

La 9^a Tutamerika Kongreso konfirmas la lingvan valoron por edukado al da?ripova evoluo



Havano, 18 feb (RHK) De la 11-a ĝis la 17-a de februaro sesiis en la hotelo Panamericano, la 9-a Tutamerika Kongreso de Esperanto kiun partoprenis 232 kongresanoj el 20 landoj sub la temo *Lingvoj kaj kulturoj: edukado por da?ripova evoluo en la Amerikoj*.

La kongresa temo de la 9^a Tutamerika Kongreso de Esperanto havis entute kvar sesiojn. Kvankam la kongreso ne rezoluciis pri la demando starigita de la kongresa temo, tamen, pere de Principa Deklaro, ĝi renovigis la sintenon de la esperanto-movado pri tiu ĝi demando, kaj konfirmis ke la partoprenintoj de la 9^a TAKE emfazas la bezonon ke la esperanto-komunumo pli proksimiĝu al la nuntempaj demandoj starigitaj en la Tagordo 2030 de UNESKO pri kiu Kuba Esperanto-Asocio havas apartan intereson cele al tio ke ĝiaj membroj kaj aktivuloj sentu ke Esperantujo estas vera edukejo.

Ke tiu edukejo, unue celas disvastigi Esperanton kaj la konscion pri la valoroj de la lingvo kiel kultura trezoro kaj por defendo de la gepatra lingvo; Ke la asocia laboro ankaŭ celas la lingvan justicon, kiu kontribuu al lingva ekvilibro, kies sekvoj bone efikos al konservado de diverseco de kulturoj kaj mondovizioj, ĉar tia diverseco garantios pli bonan kaj kvalitan vivon por la sano de nia planedo. Tiuj

estas edukaj bazoj por survoji al daŭrigebla evoluo, kiu kontentigu la bezonojn de la nunaj kaj estontaj generacioj.

La kongresa programo inkludis naciajn kaj internaciajn vesperojn, teatraĵojn el kubaj aŭtoroj kiel *Emelina Cundiamor* kaj *Franciska kaj la Morto*; teatro Verda Banano kiu prezentis *La kredito*; koncerto de *Amindaj* el Santiago de Kubo; arta prezento de la ensemblo de alternativa muziko *Kialo* el Havano; la tradiciaj programoj per prelegoj, prezentoj, kunsidoj, la sesio 43^a de AMO-seminario, UEA/ILEI-ekzamenoj kaj ekskursoj, interalie.

Sendube elstaris la gazetara vivo en la naciaj radio kaj televido, kiu dum la tuta semajno raportis kaj reklamis en diversaj momentoj, krom la aktivado en sociaj retoj.

<https://www.radiohc.cu/eo/noticias/nacionales/155470-la-9a-tutamerika-kongreso-konfirmas-la-lingvan-valoron-por-edukado-al-daŭripova-evoluo>



Radio Habana Cuba